

2012 жылғы 15 қазанда болған
Үкімет сағатының нәтижелері бойынша
ҰСЫНЫСТАР

Қазақстан Республикасы Бәсекелестікті қорғау агенттігінің Төрағасы Ғ.Р. Әбдірахымовтың «Қазақстан Республикасы Бәсекелестікті қорғау агенттігі (Монополияға қарсы агенттік) қызметінің негізгі бағыттары» тақырыбындағы баяндамасын тыңдап және талқылай келіп, Қазақстан Республикасы Парламентінің Мәжілісі кәсіпкерлік қызметті ынталандыру және қолайлы бәсекелес ортаны қалыптастыру, сондай-ақ тұтынушылардың құқықтарын қорғау мақсатында монополистік қызметтің алдын алу, жолын кесу, оны шектеу, адал бәсекелестікті қорғау және монополияға қарсы пәрменді реттеу шараларын қабылдау бойынша жүйелі жұмыс жүргізу қажеттігін атап өтеді және осыған орай Қазақстан Республикасы Парламентінің Мәжілісі мыналарды **ҰСЫНАДЫ**:

Қазақстан Республикасының Үкіметі:

- табиғи монополиялар субъектілерінің реттелетін қызметтерін (тауарларын, жұмыстарын) және мемлекеттік кәсіпорындар мен акцияларының (үлестерінің) 50 және одан да көп пайызы мемлекетке тиесілі ұйымдардың жекелеген қызмет түрлерін одан әрі бәсекелес ортаға беру мақсатында олардың тізбесін қысқарту жұмысын жалғастыратын болсын;

- барлық өңірлік деңгейлерде (қала, ауыл, село, кент) бизнесті дамыту үшін шағын және орта кәсіпкерлік субъектілеріне арналған кредиттеудің, оның ішінде мемлекеттік бағдарламалар шеңберінде іске асырылатын кредиттеудің қолжетімділігі нарығына талдау жасасын;

- жалпы елде, экономика салалары мен әрбір жеке өңірде қалыптасқан жағдайдың мониторингі үшін тауар нарықтарындағы бәсекелес ортаның жай-күйіне талдау мен бағалау жүргізу әдістемесін жетілдірсін;

- жылумен жабдықтаудың, ұялы байланыс операторларының желіаралық қосылыстарының қызметтеріне, сондай-ақ Интернет қызметтеріне тарифтерді азайту мақсатында республиканың жылу-энергетика, ақпарат-коммуникация салаларын бәсекелес нарыққа беруді одан әрі жалғастыру мәселесін пысықтасын;

- өңірлердің азық-түлік, ауыл шаруашылығы тауарларымен қамтамасыз етілуіне және бәсекеге қабілетті болуына жағдай жасап, оларды бағалау үшін өңірлерді дамыту бағдарламаларында «өңірлік бәсекелестік» көрсеткішін әзірлейтін болсын;

- бәсекелестікті қорғау жөніндегі уәкілетті органның монополияға қарсы заңнаманы бұзушылықтардың алдын алу, оларды анықтау, тергеу және жолын кесу бойынша, оның ішінде мемлекеттік органдардың бәсекелестікке қарсы іс-әрекеттері фактілері бойынша қызметін күшейтсін;

- бәсекелестік саясат саласындағы заңнамаларды үйлестіру және өзара саудаға теріс әсер ете алатын іс-әрекеттерге жол бермеу мақсатында басқа мемлекеттердің монополияға қарсы органдарымен өзара іс-қимылды кеңейту жұмысын жандандырсын;

- қазақстандық бизнестің Ресей және Беларусь нарықтарына кіруіне қойылатын әкімшілік кедергілерді жою бойынша шаралар қабылдауды одан әрі жалғастырсын және адал бәсекелестікке деген бірдей көзқарастарды, бірыңғай қағидаттар мен қағидаларды (стандарттардың, тауарларды таңбалаудың сақталуы, ветеринариялық-санитариялық шаралардың қолданылуы, тауарлардың транзиті жөніндегі және басқа да талаптар) қамтамасыз етсін;

- «Е-бәсекелестік» автоматты ақпараттық жүйесін енгізуді, азаматтар мен кәсіпкерлерге республикалық және өңірлік деңгейлердегі тауар нарықтарындағы бәсекелестіктің ағымдағы жай-күйі туралы интернет-сауалнаманы енгізуді көздейтін болсын;

- бұқаралық ақпарат құралдарында, интернет-ресурстарда және телевизия хабарларын таратуда өңірлер бойынша әлеуметтік маңызы бар тауарлар мен көрсетілетін қызметтердің бағасы туралы ақпаратты ұдайы орналастыру мүмкіндігін қарастырсын;

- бұқаралық ақпарат құралдары мен интернет-ресурстарды тарта отырып, мемлекеттік органдар мен бизнес ортасы арасында монополияға қарсы заңнама туралы ақпараттық-түсіндіру жұмысын күшейтсін;

- тұтынушылар құқықтарының қорғалуын арттыру, мемлекеттік органдардың тұтынушылар құқықтарын қорғау саласындағы құзыретін күшейту, сондай-ақ тұтынушылардың қоғамдық бірлестіктерінің өкілеттігін кеңейту жөніндегі нормаларды көздейтін заң жобасын Қазақстан Республикасы Парламенті Мәжілісінің қарауына енгізуді тездететін болсын.